



ԵՐԵՎԱՆԻ ՔԱՂԱՔԱՊԵՏ ՈՐՈՇՈՒՄ

ՀՀ, 0015, ք. Երևան, Արգիշտիի 1

№ 2791-Ա

« 24 » հուլիսի 2024թ.

ՄԱՐԴԱՏԱՐ ՏԱՔՍԻ-ԱՎՏՈՄՈՔԻԼՆԵՐԻ ԱՎՏՈԿԱՅԱՆԱՏԵՂ ՍԱՀՄԱՆԵԼՈՒ ՄԱՍԻՆ

Ղեկավարվելով Հայաստանի Հանրապետության կառավարության 2006 թվականի հունիսի 29-ի «Ճանապարհային երթևեկության կազմակերպման կարգը հաստատելու մասին» հ.1206-Ն որոշման հավելվածի 6-րդ կետի «բ» ենթակետով և 19-րդ կետով, հիմք ընդունելով Հայաստանի Հանրապետության ներքին գործերի նախարարության Ոստիկանության «Ճանապարհային ոստիկանություն» ծառայության հ.14/7/119189-24 եզրակացությունը, Երևան քաղաքում մարդատար տաքսի-ավտոմոբիլների կայանման տեղերը կանոնակարգելու նպատակով.

1.Սահմանել մարդատար 1 (մեկ) տաքսի-ավտոմոբիլների համար կայանման տեղ՝ Երևան քաղաքի Սուրբ Գր. Լուսավորչի փողոցի հ.4/3 հասցեի հարակից ճանապարհահատվածում («Դաբլթրի Բայ Հիլթն Երևան Սիթի Սենթր») հյուրանոցի ստորգետնյա ավտոկայանտեղի մուտքից հետո) երթևեկելի մասի եզրին՝ զուգահեռ մեկ շարքով:

2. Սահմանել, որ մարդատար տաքսի-ավտոմոբիլների կայանատեղի զբաղեցրած հողամասի սահմանները և մակերեսը որոշվում են Երևանի քաղաքապետարանի աշխատակազմի ճարտարապետության և քաղաքաշինության վարչության կողմից թողարկվող հատակագիծ-սխեմայով, որը պետական գրանցման ենթակա չէ:

3.Հանձնարարել աշխատակազմի տրանսպորտի վարչության պետին, հատակագիծ-սխեմայի հիման վրա, ապահովել մարդատար տաքսի-ավտոմոբիլների կայանատեղի կահավորումը 5.18 «Թեթև մարդատար տաքսիների կայանման տեղ» ճանապարհային նշանով և 1.17 գծանշամբ:

4.Սույն որոշման կատարման կազմակերպումն ու պատասխանատվությունը
դնել Երևանի քաղաքապետարանի աշխատակազմի տրանսպորտի,
ճարտարապետության և քաղաքաշինության վարչությունների պետերի վրա:

5. Սույն որոշման կատարման ընթացքի նկատմամբ հսկողությունն ապահովում
է Երևանի քաղաքապետի տեղակալ Սուրեն Գրիգորյանը:

ՏԻԳՐԱՆ ԱՎԻՆՅԱՆ

